




Bosnia and Herzegovina
Federation of Bosnia and Herzegovina

CANTON SARAJEVO
Ministry of Health



Broj: 10-33-46379-1/22
Sarajevo, 07.12.2022.godine

GRAD SARAJEVO
n/r Predsjedavajućeg gradskog vijeća Jasmin Ademović
ul. Hamdije Kreševljakovića broj 3
710000 Sarajevo

PREDMET: Vijećnička inicijativa – Veza Vaš akt broj 01-GV-02-1623-1/ od 26.10.2022.godine, odgovor, dostavlja se

Gradski vijećnik Seid Škaljić je na 20. sjednici Gradskog vijeća Grada Sarajevo, održanoj dana 26.10.2022.godine podnio inicijativu sa obrazloženjem kako slijedi:

“Upućuje se inicijativa Ministarstvu zdravstva Kantona Sarajevo da se liječenje maloljetnika svih uzrasta do 18. godine ponovo organizira u okviru Dispanzera za djecu i omladinu JU Dom zdravlja Kantona Sarajevo”.

Ministarstvo zdravstva je dana 18.11.2022.godine dostavilo predmetnu inicijativu JU Dom zdravlja Kantona Sarajevo i zatražilo odgovor na istu.

U prilogu dostavljamo odgovor JU Dom zdravlja Kantona Sarajevo (akt broj 01-03-9295-4/22 od 30.11.2022.godine).

S poštovanjem,

Dostaviti:
- naslovu
- a/a



MINISTAR

Prof.dr Haris Vranić



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243
Sarajevo, Reisa Džemaludina Čauševića 1





JAVNA USTANOVA DOM ZDRAVLJA KANTONA SARAJEVO

Kanton Sarajevo, Federacija BiH, Bosna i Hercegovina
Public Institution Health Center of Sarajevo Canton
Sarajevo Canton, Federation of BiH, Bosnia and Herzegovina



Broj: 01-03-9295-4102
Sarajevo, 30.11.2022.

KANTON SARAJEVO
MINISTARSTVO ZDRAVSTVA
Sarajevo, Reisa Džemaludina Čauševića 1.

Bosna i Hercegovina
Federacija Bosne i Hercegovine
KANTON SARAJEVO

PRIMLJENO: 01-12-2022			
10	04	48698	Broj priloga

**Predmet: Odgovor na vijećničku inicijativu gospodina Seida Škaljića-vijećnika
Gradskog vijeća Grada Sarajevo**

Pomenuti vijećnik je na 20. sjednici Gradskog vijeća Grada Sarajevo podnio inicijativu Ministarstvu zdravstva Kantona Sarajevo da se liječenje maloljetnika svih uzrasta do 18. godine ponovo organizira u okviru dispanzera za djecu i omladinu JU Dom zdravlja Kantona Sarajevo. Planom restrukturiranja zdravstvene djelatnosti i reorganizacije zdravstvenih ustanova u Kantonu Sarajevo iz 2016. godine u okviru tadašnje reforme zdravstva u Kantonu Sarajevo predviđeno je ukidanje školskih dispanzera. Zapravo se radilo o usklađivanju sa postojećim Zakonom o zdravstvenoj zaštiti iz 2010. godine. Specijalizacija iz školske medicine je, nažalost, ukinuta još ranije (2006. godine) i od tada nema raspisanih novih specijalizacija iz ove oblasti. U JUDZKS zdravstvenu zaštitu djece školskog uzrasta nastavili su pružati postojeći specijalisti školske medicine čiji se broj iz godine u godinu smanjuje, potpomognuti sa pedijatrima i porodičnim doktorima. Tako trenutno u JUDZKS imamo samo 3 specijalista školske medicine. Smatramo da je ovo pitanje kompleksno i da se treba riješiti sistemski na višim nivoima zdravstvenih vlasti u sklopu reorganizacije funkcionisanja cjelokupnog zdravstvenog sistema kod nas. Zdravstvenu politiku ne kreira JU Dom zdravlja KS niti može na nju uticati. Kao što je već ranije pomenuto, prije 16 godina ukinute su specijalizacije iz domena školske medicine. Takva odluka donesena je kao dio reforme zdravstva. U okviru navedene reforme, takođe je sa viših instanci odlučeno, da porodična/obiteljska medicina preuzme zdravstvenu brigu o navedenoj populaciji što se na terenu provodi već duže vremena. Problem liječenja školske djece predstavlja prioritet za naš menadžment. Svjesni smo činjenice da je školski uzrast najvažnija populaciona grupa stanovništva. Imamo primjer Republike Hrvatske gdje je ostala specijalizacija iz školske medicine. U Republici Hrvatskoj pri županijskim zavodima za javno zdravstvo uspostavljene su službe školske medicine odlukom ministarstva zdravstva Republike Hrvatske 1.1.1998. godine. U tim službama zaposleni su liječnici specijalisti školske medicine za provedbu „Programa specifičnih i preventivnih mjera zdravstvene zaštite učenika i studenata“.

